

Publicaziuns officialas dils 1 da matg 2026

Vischnaunca Trun

Damondas da baghegiar

Datum da publicaziun: 01-05-2026

Petents: Roger e Letizia Alig, Via Sorts 8, 7166 Trun
Representanza: Luis & Pedro Gips GmbH, Via Principala 46, 7166 Trun
Object: Remplazzar il mir da sustegn cun crappa da rempar sin parcella 2387 a Trun.
Zona: Zona d'adattaziun dil vitg

Protestas:

Il plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

Datum da publicaziun: 01-05-2026

Petents: STWEG Vonchristen-Tuor, Via Principala 34, 7166 Trun
Representanza: Bisquolm-Dach GmbH, Drascla 5, 7155 Ladir
Object: Sanaziun energetica dil tetg cun remplazzar igl eternit cun ziaghels ed alzar il tetg per 12 cm sin parcella 2702 a Trun.
Zona: Zona da habitar

Protestas:

Il plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

Administraziun communal Trun

Sessiun dil cussegl da vischnaunca

Gliendisdis, ils 04-05-2026 allas 19.30 ell'aula dalla casa da scola

Tractandas:

1. Approbaziun dil protocol dalla sessiun dils 10-11-2025
2. Quen communal 2025
 - Orientaziun e discussiun
 - Rapportdalla cumissiun da gestiun
 - Approbaziun da quen e bilanza

3. Damonda dalla fatschenta Veterinaris Cadi GmbH per in dretg da baghegiar sin parcella 3050
4. Decisiun da sligiar si la cumissiun predeliberonta per la reorganisaziun dalla dismessa da rumians
5. Elecziun supplementara per il cussegl dil Consorzi da scola per il rest dalla perioda d'uffeci 2024–2026
6. Verificaziun dils resultats dallas votaziuns communalas dils 30-11-2025
7. Pusseivladad da tschentar damondas

Administraziun communal Trun

Entrada en vigur dalla nova lescha davart il parcar sin intschess communal da Trun

Las signalisaziuns e las tablas en connex cun il niev uorden da parcar ein montadas. Naven digl 1. da matg 2026 lai la suprastonza communal exequir controllas. Nus fagein attents che tut il parcar sin terren communal auter che sin ils parcadis publics ei scumandau enteifer la zona da scamond da parcar.

L'administrazin communal ha elaborau in flyer che resumescha las reglas che valan sin ils singuls parcadis. Persunas interessadas san retrer quel naven d'immediat al spurtegl. Cartas da parcar per parcar permanentamein san medemamein vegnir retratgas tier l'administraziun communal.

Per ulteriuras damondas stein nus bugen a disposiziun (081 920 20 40 ni canzlia@trun.ch).

Administraziun communal Trun

Mortori

Piacentini Fabio, naschius ils 11 da fevrer 1941 e morts ils 21 d'avrel 2026.

Controlla da habitonts Trun

Casa S. Martin Trun

Einladung zum öffentlichen Anlass

Palliative Pflege und Betreuung in der Casa s. Martin (Was ist Palliative Care)

Was bedeutet palliative Pflege und Betreuung wirklich – und warum betrifft sie uns alle? Am 12. Mai 2026 um 19.00 Uhr öffnen wir die Türen der Casa S. Martin. Im Mittelpunkt steht die Frage, wie Lebensqualität, individuelle Begleitung bis zuletzt gestaltet werden kann. Durch den Abend führt uns Claudia Venzin, Leiterin Pflegeentwicklung, die mit ihrer fachlichen Expertise und Erfahrung wertvolle Einblicke in die palliative Betreuung geben wird. Der Anlass bietet Raum für Fragen und Gespräche, zu einem bedeutsamen Thema, auch anschliessend bei Kaffee und Kuchen. Wir freuen uns, Sie bei uns will kommen zu heissen.

Club da tennis Trun

Partida d'Interclub a Trun

Sonda, ils 2 da matg 2026 damas 2. ligia 40+, Trun - Savognin allas 09:00 uras

Club da tennis Trun

Uniun Trun Cultura

Spazi d'art Matias Spescha

Ils 9 d amatg – 9 d'october 2026

Temps d'avertura: venderdis–dumengia, mintgamai 14-17 uras

Vernissascha

Sonda, ils 9 da matg 2026, 14:00-17:00

Beinvegni entras Esther Spycher, meinafatschenta, Venice Spescha, l'artista ei presenta.

Entrada gratuita per commemberAs

Spescha &Spescha /Energy Fields

In ulteriur punct culminont ella seria d'exposiziuns tochen dacheu ei igl unic inscunter d'art denter l'ovra da Venice Spescha e siu bab Matias. Era per l'artista, naschida 1956 a Paris, carschida si a Trun e Turitg stat la fascinaziun e sensibilitad per fenomens d'art el spazi el center, denton sespleigan sia sovras en autras dimensiuns e cun auter material che quellas da Matias Spescha.

UniunTrunCultura

Museum Sursilvan Cuort Ligia Grischa

Dumengia, ils 3 da matg, 17:00. Il svilup turbulent dalla pressa romontscha. Referat da Martin Cabalzar sur dalla pressa romontscha. Il referat ei cumprius el prezi d'entrada.

Cordialmein envida il team dil museum

Sentupada a Schlans

Ei dat ina cuntinuaziun dalla nova purschidada s'entupar a Schlans: Ina tscheina comunabla aviarta per tuts ella Sentupada. Las secunda sera ha liug sonda ils **9 da matg** (adatg niev datum) naven dallas 18:30 – tscheina dallas 19:00. Rea Furrer e Johannes Rebsamen cuschinan. Detagls sut www.schlans.ch. Annunzias bugen entochen mardis sera, ils 5 da matg per sms, WhatsApp, telefon ni mail: +41 79 640 31 86 ni markus.leo.kaiser@gmx.ch.

Pro Schlans

Gruppa da pensiunai

Viadi egl Appenzell

La gruppa da pensiunai envida ad in'excursiun a Teufen cun visitar il curtin d'jarvas e dil museum A. Vogel. **Mardis, ils 19 da matg 2026**. Partenza: allas 07:15 Trun center communal. Annunzias entochen gievgia, ils 14-05-2026, Marielle Schmed, 079 211 97 95, Maria Rensch, 079 564 96 39.

Cordialmein envida gruppa da pensiunai dall'uniun da dunnas Trun

Tir Obligatoric

Vischnauncas da Trun e Medel mirar sut Sumvitg.